

四庫全書

史部

欽定四庫全書

史部

欽定南巡盛典卷九十一

詳校官戶部郎中臣楊世倫

欽定四庫全書

欽定南巡盛典卷九十一

奏議

乾隆十五年十二月二十六日兵部奏言

臣

部查

向來

皇上巡幸各處沿途安設臺站調撥馬匹原期一切本  
報事件馳遞迅速不致稍有稽延明春恭逢

皇上巡幸江浙應設臺站業經

臣

部派員查勘安設正

站四十九處腰站四十九處除直隸山東俱係旱路一切本報皆由馬上馳遞毋庸另議外惟江省前據該督黃廷桂咨報蘇常鎮三屬因旱路窄狹雨水過多丹徒等六驛原各設站船十五隻以代驛馬淮揚徐三屬旱路稍寬馬行尚易向未設立站船來春

聖駕經臨臺站馬匹請照山東之例正站安設九十匹腰站五十匹或一時雨水過多則旱站之外當有

水站請於丹徒等驛站船內共撥四十隻分泊於宿遷等處以備代馬之用至船隻行駛窮日夜之力不過百餘里若非過於泥濘所有本報等項仍當由馬馳送又近據該督咨報江省非產馬之地此番差務需馬繁多臺站馬匹若照前議安設則別項差使殊費周章請照康熙四十六年之例正站安馬七十匹腰站三十匹至前議船隻尚可酌添請每處總脩船十五隻所有丹徒等處原設站

船十五隻者毋庸議外至宿遷等十處向無站船  
每處僱備快船十五隻則水陸兼備緊要本報等  
件無虞遲滯臣等伏查江南地方該督既稱馬匹  
短少此番差務需馬繁多請將臺站馬匹照康熙  
四十六年之例正站安設七十四腰站三十匹是  
按該省馬匹之多寡酌量安設自應如該督所議  
辦理務期臨時不致貽悞至所稱安設水站雇備  
船隻以備代馬之用並稱船隻行駛窮日夜之力

不過百餘里查本報事件關係緊要向例皆由馬上馳送每一時限行三十里計算晝夜限行三百六十里原以杜稽延遲滯之弊向來各省即有崇山竣嶺冰凝雪滑之地俱能按時遞送今該省雖雨水過多亦不過一時泥濘未可因此另雇船隻僱用且據稱晝夜只行百餘里則船隻遞送更不若馬行之便捷一設船隻勢必避勞就逸概欲登舟轉致遲滯該省既設站馬儘可供本報之用應將

該督所請安設水站雇備船隻之處毋庸議奏  
入報

聞

乾隆十五年十二月二十七日總理行營事務和  
碩莊親王允祿等奏言臣等議得據努三奏稱一  
屆期

皇上座船行走

御前乾清門侍衛前引四副撒袋併幫助絳繩侍衛俱



應在沿岸乘騎馬匹或令若干人騎馬行走

皇上船前

御前乾清門侍衛等坐小船如何前引行走之處俟

御前大臣等定議時將馬匹小船交與該督預備

臣等

會同

御前大臣敬謹酌議

皇上座船時派

御前乾清門侍衛各二員

皇上船前前引船隻派出兩對在兩邊行走

御前乾清門侍衛等酌量乘座

皇上船旁令一人騎馬在河沿行走以備

皇上差遣拉船幫緝侍衛等酌派四員四副撒袋令在

拉船幫緝侍衛後行走此項人員令

御前大臣臨時具奏在

御前乾清門侍衛內酌量派出輪班行走前引船隻應用馬匹令該督合算人數預備一查得經由府州縣

城俱臨河相近河岸窄狹且兼水田地方甚屬難  
行臣等酌量離城門一二里或三四里之間定擬  
馬頭交明地方官自船上岸由岸登船馬頭令其  
修理外

皇上經由各城當日

回鑾之處應各備馬一百五十匹給隨行大臣侍衛拜  
唐阿乘騎拏馬時派出侍衛什長等帶領親軍由  
地方官取領預備

皇上登舟時侍衛什長等將馬匹收回照數交與地方官太監等乘騎馬匹交上駟院人等拏給各城街道窄狹難執馬上儀駕且道路不甚遠令校尉等執步下儀駕章京等令其騎馬

皇上城內巡幸畢及至馬頭登船時大船不能趕到如預備等候地方窄狹且江南既有預備

皇上升座如意快船即將此項船隻先行令其前往馬頭地方等候

皇上升如意船後或登大船或緩行等候皆可查據努

三既稱

皇上經由府州縣城臨河相近河岸窄狹難行地方酌  
量交與地方官自城門一二里或三四里之間  
修理馬頭毋庸另議外所稱

皇上經由各城當日

回鑾等處隨行大臣官員拜唐阿等必需乘馬應交該  
督每處各備馬一百五十匹至拏馬交馬經由各

城道路窄狹難執馬上儀駕令執步下儀駕章京等令其騎馬之處俱照所奏外至

皇上巡幸城內時既稱大船不能趕到如預備等候地方窄狹江南既有預備如意船隻令其先行在馬頭等候亦照所奏行一存留人等俱令在徐家渡等處駐扎地方窄小草豆難以購買或令伊等在楊家莊宿遷縣山東郟城縣沂州等處可得草豆地方散住俟

皇上回鑾時仍令迎至黃河北徐家渡營盤等候查從

前臣等以

皇上登船後存留官兵令在黃河北寬敞地方或分二處駐札或在一處駐札之處交令管轄大臣等加謹約束具奏行文令努三雖稱徐家渡地方窄小將存留官兵令在楊家莊宿遷縣山東鄒城縣等處散住可以無悞但官兵若令數處星落散住不免鞭長莫及難以管轄應交管轄大臣哈達哈等

酌量存留官兵在徐家渡等處尚可居住易得草  
豆時仍照前奏或在二處或在一處駐札外若徐  
家渡等處難容駐札或有難覓草豆緣由管轄大  
臣臨期籌酌散住可也一恭屆

皇上過黃河至真隸廠駐驛之日黃河南岸至直隸廠  
有旱路數里俟

皇上至黃河渡口前二三日派出大臣會同該督將隨  
往人等行李先期料理渡過黃河在直隸廠分給



船隻等候令其多備黃河渡船在運河內外沿邊  
等候可以無悞至數里旱路並令多備損夫運送  
內廷行李衆人輜重亦交該督先期酌量籌辦預備  
人夫等候查本年

皇上巡幸河南時

臣

等因渡河奏派大臣先期運渡官

兵行李此次前往江南仍照從前俟臨近時奏派  
隨往大臣會同該督兼管運渡衆人行李過河至  
直隸厰分給船隻等候其十里旱路仍照

臣

等議

奏一切官物交該督多撥人夫運送外官兵行李等物多集人夫各聽其隨便僱用可也一分船大臣等分船完畢時除大臣船隻外每船委署頭目一名管理委署頭目之處即交分船大臣等派往查臣等從前以查船應需專管人員俟臨時大臣內奏派一二人會同護軍統領管理奏准行文今每船一隻復委頭目一名反滋煩擾應將勞三所奏毋庸議一布城奏帶二分須倒替轉行方能無

俟其水營布城蒙古包帳房舫重人數令各該處  
開明行知該督預備快船裝載二起船隻前後倒  
替換用或穿營行走之處明白曉諭護軍統領武  
備院查該督黃廷桂以水路裝載布城等物船隻  
難越

皇上座船應預備二分船隻裝載至

駐驛處穿營時用夫挑騾馱武備院上駟院俱經行文  
所奏不必另議外布城等物倒替行走用夫騾挑

馱穿營行走之處交護軍統領等令管城章京護  
軍校護軍等加謹管理不致貽悞可也一明春

皇上已渡黃河即

駐驛水次衆人俱在船住宿其揚州之高旻寺

行宮坐落河沿金山寺

行宮在江之中高旻寺

駐驛時衆人仍回船住宿外金山寺

駐驛時入班大臣侍衛護軍拜唐阿之外

御前乾清門行走大臣侍衛軍機處內閣大臣官員內  
大臣兵部大臣官員令其在山前兩旁僧房住宿  
其餘人等令往從南岸住宿蘇州杭州江寧

行宮俱在城內令覓民房住宿聖因寺

行宮在西湖北岸地方狹窄衆人令在附近民房俱在

船上住宿靈巖山龍潭

行宮附近人民稀少難以駐札應令該督豫備綠旂各  
營帳房分給隨往護軍拜唐阿等起程時仍令明

白交回如有遺失損壞查明治罪侍衛官員如有  
領取帳房者亦著應付查近經<sub>臣</sub>等以恭屆

皇上駐宿

行宮時除隨往官兵入班人員外其餘人員若離船十  
里以內俱令回各本船住宿若相離甚遠交該地  
方官酌量就近廟宇店房或民間空房預備數處  
令其住宿奏准行文令勞三所奏高旻寺金山寺  
聖因寺等處

行宮衆人令在附近民房或回船住宿之處與<sub>臣</sub>等原

議相符應<sub>口</sub>所議外又稱靈巖山龍潭

行宮附近人烟稀少令該省預備綠旂帳房如有遺失  
損壞查明治罪亦屬可行應令該督預備辦理奏  
入

上諭曰儀駕不必帶往其因賞賜耆民沿河兩邊行走  
御前乾清門侍衛應騎馬匹著一邊預備二匹餘依  
議

乾隆十五年十二月二十七日署浙江巡撫永貴  
奏言恭照明春欣逢

聖主巡方盛典杭嘉湖等府屬運河之內皆須預為清  
蹕庶足以盡臣子敬謹之誠每年二三月間正當  
漕艘北上之時運河祇有一路又無別道可通若  
不催令趲行前進必致壅塞

御河殊多未便向來各屬收糧必俟歲底方得竣事而  
納戶尚多零星掛欠抵兌不清以故漕船領運未



能迅速本年徵漕之前先經臣預行頒發告示諄  
諄勸諭士民早為完納并立法稽查嚴禁官胥勒  
捐浮收等項積弊漕政予以肅清糧戶爭先輸納  
本月初間通省漕糧即已具報全完較諸往年幾  
早一月實為從來未有之事此皆

聖德涵濡民情踴躍故能無事催科莫不輸將恐後現  
在漕船均已陸續兌竣開行又浙鹽半多行銷江  
省之蘇松常鎮等四府兩浙之商資本微薄遠非

淮南商可比向例商船過掣之後所有課費不能一時完納鹽船每仍停泊河干必俟陸續輸完課費方由運河內源源領運以濟民食春夏菜醬二市正當監斤廣銷之候非預為運貯賣地不特沿途經行有礙抑且民食攸關尚有缺乏不肖鋪戶得以昂價貧民私販梟徒更可乘機侵越勢不得不設法變通臣經飭將各商配掣之鹽聚於今冬分別賣地遠者預運十分之五近者預運十分之三

先行運往以資接濟惟是商本有限若令一併預  
為完納課費實恐力有不繼

臣仰體我

皇上惜商愛民之至意暫令先納正課即行准其領運  
所有例輸引雜公費尚非正項可比統于來年四  
月內後運一半之鹽全數扣足完項則民無食淡  
引得疏消仍於課費無虧公事似有裨益奏入  
上諭曰諸凡皆妥欣悅覽之

乾隆十六年正月初六日禮部尚書伍齡安奏言

查每逢

皇上巡幸例有鴻臚寺帶領地方官迎送

聖駕從前原任鴻臚寺少卿查斯海因在途騷擾乾隆

七年九月內奉

特旨將查斯海解退少卿以旂員補用伏思近地而尚  
如此滋事今歲

皇上南巡隨往之少卿趙之垣係漢堂官帶領鳴贊等

官沿途演習地方官迎送

聖駕禮儀日與地方官接見若不預行嚴禁其帶往各員內保無有在途需索生事如不許居住地方官預備之房令其各自扎營則地方官難以尋覓且礙難演禮臣愚見鴻臚前行之員請由臣部行文該督撫只令預備房屋外一切飲食供應槩行禁止倘有不肖官員仍有需索生事者該督撫即行咨明

行在禮部

臣

指名糾叅交部嚴加治罪不惟互加防

閑而於禮儀亦易整肅至太常寺運送祭器指名  
陳設官員內如有需索生事者亦照此辦理奏入  
報

聞

乾隆十六年正月十五日兩江總督黃廷桂奏言  
恭照

聖駕巡幸江浙

回鑾所需四大套騾馬車四百輛查江南王家營不過

渡黃馬頭並非聚集之所勢難僱覓山東之濟寧  
臺莊雖係商旅往來之地然求其四大套馬騾堅  
車一時欲得數百輛之多其勢亦有不能惟有將  
順天府原來之車留住一半交與江南一半交與  
山東備用至留住守候期內應給車戶之飯食騾  
馬之草料酌議樽節辦理會同山東巡撫準泰另  
行具奏奏入報

聞

乾隆十六年正月十六日署浙江巡撫永貴奏言

臣等伏查辛未年春恭逢

翠華南幸率土歡忭普天同慶江浙雖屬兩省而臣等  
籌辦諸事無不會同商酌以期和衷共濟不敢稍  
有畛域之心即如運河內恭備

御舟業經臣黃廷桂等會商直送至杭

內庭扈從各船亦由江省僱募浙省祇給貼水脚均  
未另行備辦前已恭摺奏



聞惟緯夫一項因浙省向例係屬僱夫是以酌定河兵  
僅到交界地方浙省亦另擬於海塘標兵及各屬  
民壯衙役內挑選應用祇以辦差公務俱屬臣等  
應盡之職守未經上瀆

宸聽今奉

聖恩訓諭復思自江省交界以至杭城計程不過二百  
餘里所有更換之浙省兵役緯務非所素習即使  
勤加教演終不若河兵在江經行已久自必益就

熟嫻誠有如

聖明洞鑒令其隨至浙江彼此均覺妥便

臣等欽遵

諭旨會同通融籌酌查江省原擬於河兵內挑選三十

名分為上下兩班供奉

御船及

內庭各船帶絳之用各兵行坐口糧每兵每日給與  
飯食銀五分自宿遷至瓜洲江口應由河庫給發  
自鎮江至浙江交界應由蘇州藩庫給發其自平

望至杭州應由浙省給發上班緯兵沿途搭蓋棚  
廠以為造飯住宿之用下班緯兵併押緯官員人  
等俱給與小船乘坐其到杭之後自應恭候

聖駕回鸞所有在杭守候坐糧亦均由浙省給發以供  
各兵資斧惟是長途往返屯聚日久江省河標之  
兵必得江省河標之員約束稽查方為妥協臨時  
擬派河道一員河標叅將一員同行至杭會同浙  
員督率拘管其沿途押緯官弁仍聽兩省各自派

撥至浙省西湖紹河錢江等處係用水緯所有柴  
緯人夫均已久經預備毋需再用河兵除一切未  
盡事宜臣喀爾吉善臣永貴現與臣黃廷桂等詳  
細會商總期仰遵

聖訓務使公務有裨妥協籌辦斷不敢存此疆彼界之  
見奏入報

聞

乾隆十六年正月二十五日大學士公傅恒等奏

言尚書舒赫德具奏南省水次相近經由州縣大  
村委派提督衙門官員會同地方官稽查及早路  
臨幸地方隨往人員乘騎馬匹預請先遣派大臣指示  
存站之處一摺奉

旨總理行營事務大臣議奏欽此該<sub>臣</sub>等議得舒赫德

奏稱

<sub>臣</sub>

自水路往江南一路看得經由州縣大村

馬頭離水次甚近約束隨來官兵跟役不無進州  
縣城內買取物件往觀熱鬧此次

皇上巡幸江南非同

行幸過省分可比自應嚴加稽察管束

臣愚見

皇上登舟後每日於起

鑾之先令本衙門筆帖式帶領步軍副尉步軍校會同  
地方大員一員先往經由州縣城內加謹稽察毋  
令旗民生事如有生事者係民即交同往地方官  
辦理外如係兵丁跟役即行拏究酌量辦理

皇上起鑾後令步軍總尉富僧格在後亦會同地方官

一員尾後行走管束務令一人不可存剩如有存  
留生事者亦分別辦理臣事竣即趕迎

聖駕到日令富僧格在前稽查臣在後尾行管束如遇

歇駐地方

臣

同富僧格輪班帶領官兵查管街道

不令生事伏查此次

皇上初巡南省非已經

行幸省分可比水次相近州縣大村鬧熱地方甚多隨  
往兵丁跟役亦衆若不預行曉諭臨期嚴行稽查

不肖之人在後進城入村強買鬪毆生事俱不可  
定令尚書舒赫德所奏派委該衙門官員帶領地  
方官先往水次相近經由州縣大村鬧熱地方稽  
查令步軍總尉富僧格在後尾行管束如遇歇駐  
之日提督與步軍總尉輪班稽查不令生事應如  
所

奏辦理外臣等預先傳諭各處敬謹遵行如不遵行  
違背者係兵印交該管官員頭目從重處治係跟



役除重責之外將伊主一併叅奏交部查議又奏  
稱南省旱路俱窄凡有

皇上臨幸地方隨往人員乘騎馬匹於

皇上未到之先或領侍衛內大臣或總理行營事務大  
臣護軍統領應預派一二員指示下馬站馬地方  
臨期不致擁擠臣與富僧格酌量前後管查查南  
省地方旱路俱各窄狹凡有

皇上臨幸地方隨往人員乘騎馬匹若不預先派員前

往指示管理臨期必致紛舛擁擠應如所奏臨近  
將應派大臣職名進呈請

皇上酌量派出一二員指示管理奏入報

聞

乾隆十六年正月二十九日漕運總督瑚寶奏言  
正月二十八日准戶部咨開乾隆十六年正月十  
六日內閣奉

上諭直隸上年偏災州縣現在降旨加賑有需用米石

之處著將河南本年運通粟米截留十萬石交總督  
方觀承酌量辦理該部遵諭速行欽此臣遵查河南  
省今歲起運正耗粟米共一十一萬石有零除前

次欽遵

諭旨截留五萬石外止存應運通粟米六萬餘石不敷  
截留再查山東省今歲起運粟米除前次欽遵

諭旨截留五萬石外尚存仍應運通粟米十二萬石有  
零所有此次欽遵

諭旨截留粟米似應仍請在於河南山東二省起運粟  
米內各截留五萬石以符十萬石之數除一面移  
咨直隸督臣倉場督臣及豫東二撫臣外謹將欽  
遵辦理緣由恭摺具

奏奏入報

聞

乾隆十六年二月十一日瑚寶奏言竊照直屬上  
年偶被偏災蒙

皇上念切民依將本年豫東二省粟米截留十萬石以  
資賑糶臣等接准部咨隨檄行坐糧廳於東豫二  
省起運幫船內各截撥五萬石茲於本年正月二  
十七日准直督臣方觀承咨准

行在戶部咨欽奉

上諭將河南省本年運通粟米截留十萬石以為加賑  
之需仰見

皇仁普被

睿慮周詳

臣

等伏查河南省本年運通之粟米共一十

一萬三千四百餘石除前次欽奉

上諭截留直隸五萬石并應運薊糧五萬石外僅餘剩

米一萬三千四百餘石其不敷米八萬六千五百

餘石

臣

等通融辦理已檄坐糧廳於山東省先進

幫船內找截以足十萬石之數除一面移咨直隸

督臣查照辦理外理合恭摺具奏奏入報

聞

乾隆十六年三月十四日傅恒等奏言查徐家渡等處留養上駟院之馬俱係預備各太監等乘騎及膳房茶房馱載物件關係最要今據該院侍衛托雲等呈稱原帶來馬一千五百六十六匹內除沿途疲乏例缺遺失一百四十九匹外其餘陸續收到馬匹一千四百一十七匹此內五分臆馬三十二匹四分臆馬二百六十三匹三分臆馬七百六十六匹打瘡疲乏馬十七匹又經雨雪陸續倒馬

三十六匹外餘剩馬一千三百八十一匹因原定徐家渡地方窄狹泥濘槽飼不敷職等向委派辦理喂馬事務道員知縣等令將馬匹移至王家營喂養該地方官所備草束並不敷用每馬只得通融一半喂飼屢次行催地方官始將草豆送到雖經分給各羣頭目等加謹喂養但

皇上回鑾在邇今未及一月所備草豆即不敷用再至數日勢必不能接續請速轉咨該督上緊運送草



豆母致缺乏是該道王德階並不加緊辦理顯係疎忽現交王德階辦理僱騾頭事務俟辦完之日視其所辦何如之處另行辦理具奏外其王家營留養上駟院馬匹原來時沿途疲乏倒缺及留養之際因地方預備草豆等物不能敷用是以陸續又有殘傷若不即為通融辦理臨期必致有悞臣等酌議除嚴飭王家營喂養馬匹侍衛托雲等令其此際加謹喂養以備應用外查東省所有營驛

馬匹據準奏明通融四千匹預備抵補隨來拜  
唐阿兵丁倒斃疲乏官馬今若又調山東馬匹難  
得許多臣等詳加商酌直隸營驛馬共有二萬五  
千餘匹此際並無別差俱係拴喂之馬請

旨令直督方觀承於直東接壤相近地方營驛馬內酌  
挑一千匹預行趕赴順河集等處以備抵補上駟  
院馬匹之用俟馬匹到順河集時請令該大臣會  
同兵部將原留喂養馬匹再加查看將可乘騎者

挑出應用外其不敷者即將直省預備一千匹內  
照數給與乘騎上駟院不能全用一千匹應將餘  
剩之馬俱令預備抵換順河集留存拜唐阿兵丁  
疲瘦馬匹之用俟

命下之日交兵部飛行直督將馬匹照數辦理即速趕  
赴順河集等處以備應用奏入報

聞

乾隆十六年三月十八日兵部侍郎兼管順天府

府尹蔣炳奏言竊臣於二月十九日自京起程赴順河集會辦

回鑾車輛於二月二十八日至山東之齊河縣會商撫臣准泰據稱東省應分辦車二百輛將原來京車留住一百二十二輛尚少七十八輛現飭催辦足敷應用至倒缺駝隻需車抵補亦現飭預備但東省需車甚多不能協濟江省臣於三月初八日至順河集據江省辦理車輛之淮徐道王德階稟稱

江省應分辦車二百輛將原來京車留住一百十八輛尚火八十二輛現在遣人往各處僱備臣查

內務府

鑾儀衛原用車共三百四十九輛內除沿途回空及馬驟疲乏外計江南山東兩省留住原車二百四十輛督辦之各該道等日給守候銀兩臣復飭令加意喂養務期臚力壯健應用其短少一百六十輛現在僱覓臣逐加指示飭催僱辦共足四百輛

之數限於三月內到齊順河集一帶預備

回鑾之用奏入報

聞

乾隆十六年四月初六日傅恒等奏言總督方觀承奏預備馬匹趕赴順河集應用等因一摺奉

硃批原議大臣速議具奏欽此查<sub>臣</sub>等前因上駟院之

馬俱係預備各處太監乘騎及茶膳房馱載物件  
原來時沿途疲乏憊瘦留養後陸續又有殘傷東

省營驛馬匹業已通融四千匹抵補隨來拜唐阿  
兵丁憊瘦疲乏官馬是以酌議於直隸附近東省  
營驛馬匹內挑備一千匹趕赴順河集等處抵補  
備用奏准行文今據該督奏稱於各驛內撥肥壯  
馬五百匹標營內挑撥肥壯馬五百匹又另備餘  
馬一百匹差遊擊王曰信等管押分作三起限於  
四月初四五等日趕到順河集應用是此項馬匹  
現在將次已到臨期自可不致有誤至到齊之後

業經奉

旨派

臣

舒赫德前往將原留喂養馬匹再加查看可以

乘騎者挑出不敷者即照數補給如有餘剩預備  
抵換順河集留存拜唐阿兵丁疲瘦馬匹之用至  
所稱此項營驛馬匹似應即行開除另籌買補足  
數請將所撥之驛馬於留二項下動銀買補所撥  
之營馬於朋抽項下動銀買補餘馬照此辦理並  
請於出直境之日即將營驛應支馬乾草料均行



扣除其山東江南境內所支草豆即由該省報銷  
毋庸直隸另議還項之處查營驛馬匹有差操各  
務最關緊要况直隸為畿輔重地郵寄殷繁非他  
省可比馬額尤不便久懸此項缺額之營驛馬一  
千匹自應即待籌辦應如該督所請所撥之驛馬  
五百匹即於留二項下動銀照數買補營馬五百  
匹即于朋扣項下動銀照數買補餘馬一百匹如  
有換用亦准照此辦理至馬額既已開除所有馬

乾草料亦應如所請於出直境之日即行扣清其  
山東江南境內沿途所支草豆據稱恐委員呼應  
不靈已移咨轉飭經過州縣備辦自應令該省查  
明照例核實報銷毋庸直隸另議還項以致牽混  
此項馬匹業已抵補上駟院其上駟院換下之馬  
該督雖稱于東江二省就近撥補查東省業已籌  
備馬四千匹所有換出拜唐阿兵丁疲瘦馬匹自  
應存留東省撥抵至上駟院應換之馬自應於江

省籌辦因江省馬匹疲乏憊瘦者多是以議令于直隸協濟直隸之馬既已代江省支應所有上駟院換下之馬自應令專留江省以補營驛缺額之數再據該督奏稱於奉文之前預備營馬一千五百匹令撥去營馬六百匹尚存馬九百匹趕赴德州或景州聽用辦理極為妥協應令先期趕赴臨時如上駟院及拜唐阿等之馬有應更換者聽候更換俟

命下之日

臣

等行文該督遵照辦理奏入報

聞

乾隆十六年四月初七日黃廷桂等奏言恭值

御輅南巡大小各官承辦差務俱應殫力奔走勉盡職

分即有微勞原無足數但文武賢愚不一人心勤

惰各殊若不分別勸懲恐無以鼓示將來

臣

等愚

見除司道大員及已經奉

旨陞補並降級奏請

恩准留任暨尋常供職之員均毋庸置議外所有實在出力與衆不同之員江省有所難得謹繕列名單

恭呈

御覽應否

賞予記名恭候

皇上恩裁至臨事退謹並不急公之劣員事竣查確嚴加叅處庶使不肖者知所儆戒急公者益思奮勉  
兩江省官常舊習可得振肅矣奏入

上諭曰著於行宮前帶領引見

乾隆十六年四月初八日兵部奏言查得原交與山東喂養拜唐阿兵丁等乘騎馬六千三百七十三匹陸續備瘦馬一千二百三十三匹除疲乏難以帶往留養馬五百七十四匹外實在趕往順河集馬四千五百六十六匹尚可乘騎三四分不等驢馬揀選二千一百四十四匹從山東巡撫準泰所奏預備馬匹青州將軍屬下旗馬共四千一百

四十五匹內揀選四五分臚馬三千九百二十九匹合并六千七十三匹放給原交馬之拜唐阿兵丁等查得尚不敷用馬三百匹上駟院為換給馬匹原議調來直省馬一千匹內如上駟院用足餘剩馬匹換給拜唐阿兵丁等乘騎現今從直省趕來馬一千匹又多備馬一百匹查看得因遠路趕來兼之稍為緊急故馬臚不甚肥壯然而揀選三四分臚可以乘騎馬六百六十二匹除換給上駟

院疲瘦缺空馬三百六十二匹外將尚可乘騎馬  
三百匹即照原議足數放給拜唐阿兵丁等此項  
調換放給缺空馬匹從山東留養馬匹內撤出瘦  
馬三百匹直省選足餘剩馬四百三十八匹合并  
上駟院所換馬三百六十二匹共馬一千一百匹  
除交與該省總兵官保住道員王德階遵照原議  
辦理外山東選足餘剩馬匹疲乏難以帶往留養  
馬共計二千九百十二匹亦俱交與山東兗州鎮



總兵官王朝輔遵照原議辦理奏入報

聞

乾隆十六年四月初九日蔣炳奏言竊臣欽奉

諭旨會辦

回鑾車輛查催江南山東兩省將所辦車輛在順河集  
預備共四大套車四百六十七輛於四月初六  
七初八等日督同兩省辦車道府並內務府司員  
監放計放給內務府

鑾儀衛車二百七十三輛內用江省預備車一百二十  
十九輛東省預備車一百四十四輛其餘車一百  
九十四輛並江省預備之三套兩套各車現聽隨  
駕之大臣官員等自行僱用如有餘剩即交山東辦車  
道府帶回東省為沿途預備之用奏入報

聞

乾隆十六年五月十六日御史李友棠奏言竊照  
江浙士民久殷望幸

翠華南指大沛

恩膏凡茲黎元俱獲近

光而錫福誠曠代之殊遭昇平之極軌也惟是江浙地方素稱繁劇即以詞訟一端論之繁難州縣每日約有二三百件簡僻者亦不下百十件牧令專心辦理尚虞竭蹶偶爾公出壅滯恒多雖

鑒輅經臨供億咸支

帑項絲毫不擾官民而地方有司理應平治道路備

具舟車先期料理敬謹將事一切田土戶婚命盜  
案件或限於才力不能兼顧因藉口辦差任意推  
延亦情理之所必有者伏讀

上諭朕待督撫等惟因其能實心辦理令地方日有起  
色加恩獎予而不知朕心者未必不以辦差華美為  
工玩視民瘼此風一開於吏治民生所關甚大仰見  
我

皇上豫遊所至行慶

施惠無非念切民依令值

聖駕回鑾大差甫竣其牧令之夙號才能者方冀量錄  
辛勤妄希擢用庸懦自甘者又以甫經勞勩暫圖  
息肩於是苟且偷安即大吏亦且不復深求積久  
生玩勢所不免正宜乘此急加整頓以仰副

皇上省方觀民求寧求莫之至意

臣請

勅諭江浙督撫嚴飭所屬辦差州縣一應新舊大小事  
件分別先後立定期限貢令道府等官不時督催

應審結者審結應省釋者省釋倘有玩愒廢弛之  
員即行據實糾叅毋得以辦差之後輒為姑容如  
此則牧令益加奮勉案牘可以肅清於吏治民生  
不無裨益奏入

上諭曰所奏是著照所請行該部知之

欽定南巡盛典卷九十一

欽定四庫全書

史部

欽定南巡盛典卷九十二

詳校官戶部郎中臣楊世倫

欽定四庫全書

欽定南巡盛典卷九十二目錄

奏議四



欽定四庫全書



卷九十二目錄

欽定四庫全書

欽定南巡盛典卷九十二

奏議

乾隆二十年三月二十日兩江總督尹繼善等奏  
言竊惟省耕省歛頻殷補助於春秋一豫一遊遂  
協謳歌於兆庶在周禮所載則巡狩之制敬戒屬  
諸職方若雅頌所傳則時邁之章懷柔及於河嶽  
此皆古昔之鉅典尤為

盛世之隆規我

皇上

德洽羣生

仁周六服

法官無逸既深宵旰之憂勞

御輦遙臨復厯郊原而清問惟

聖主無非為民之舉斯愚賤咸懷望

幸之忱伏思乾隆十六年春間敬奉

聖母皇太后南巡

大典為光臣黎文慶敦崇孝治萬方畢洽歡心慰豫  
慈懷所在親承

色笑更荷

湛恩倍至

睿慮精詳指示修防以衛民永卜河清海晏分別蠲除  
以益下總期物阜人康優恤高年不僅多頒粟帛  
重蘇積困爰為速發

帑金且禁供帳之繁華雖草木無滋擾累嚴屬車之  
約束即雞犬亦得恬熙是以吳山越水之間爭率  
清塵而灑道部屋茅簷之衆共欣就

日而瞻

雲環老稚以歡呼迓

翠華而恐後皆謂

聖天子心誠懷保方勤求民瘼於

九重我萬姓情切尊親願時近

天顏於咫尺一自送

駕回鑾之日又盼

省方問俗之期於今越有五年久已顯然引願臣等備

員茲土博採輿情非徒文武臣工竚待

六飛之再屆實亦東南億兆思迎

萬乘之重來謹考昔年

聖祖仁皇帝屢巡江浙

閱視河工

深仁與天地同流

聖績垂古今丕煥我

皇上敬承

謨烈動念民依素惟澤國宣防尤厯

宸衷眷注茲當大工告竣高堰初成善後機宜正賴

親臨指授安瀾底績還祈

睿照提撕前因西北軍興未敢即行瀆奏今悉

天威遠振準夷稽首而歸誠

聖武布昭逆虜傾心而向化關塞息烽烟之警不戰成  
功穹廬識

覆載之寬大生為德納遐荒於在宥洵亘古所未聞凱  
歌既奏於邊庭舞蹈並深於衢路望

龍光者更深迫切求肆覲者倍篤瞻依所有一應事宜  
臣等現在籌備仰懇

聖明

俯從所請定明春之吉日邀



鑾輅以

南巡庶江畔海濱更誌太平之盛事黃童白叟常親

日月之光華

臣

等敬謹恭摺奏請伏祈

俞允奏入報

可

乾隆二十年六月十三日大學士陳世倌等奏言

伏覩乾隆十六年恭遇

皇太后六旬萬壽

皇上祇奉

安輿巡幸南省型方訓俗察吏安民紹承

聖祖仁皇帝

家法一時

鴻恩疊沛

愷澤覃敷浹髓淪肌至深且厚迄今時閱五年南服歌

思久而益摯茲者恭逢我

皇上布昭

聖武綏靖遐荒

景運彌光

宸衷益懋本月初六日

特頒

諭旨於明歲春月

躬詣

先師孔子闕里廟廷展禮以申誠敬仰見我

皇上本崇儒重道之心厯保泰持盈之意曩章具舉典

則丕昭不獨東土蒙

恩實為萬方稱慶

臣

等伏思江南與山左隣近越中與

吳下毗連兩省士民瞻雲就日之思匪朝伊夕今

聞

翠華近在東省延頸舉踵喁喁望

幸倍切平時若於曲阜

禮成之日順道

賜臨水驛舟航最為近便況儲侍悉資

內府絲粟不擾民間仰惟

聖主之豫遊實屬閭閻之休助

屬車跂望人有同心恭懇

皇上俯允<sub>臣</sub>等所請就近

南巡應凱樂之昌期臻屢豐之嘉會自吏治民依以及  
河防軍政諸大務無不仰邀

睿矚指示周詳地暨三吳兩浙之全時符五載一巡之  
候用俾遠近紳衿黎庶再瞻

鑒輅親荷

龍光則愜民情而光

盛治實為曠世之奇逢矣

臣等身依

魏闕家在江鄉聽榆社之謳思同深雀躍近

楓宸而抒悃先効鳧趨謹恭摺奏請伏祈

俞允奏入報

可

乾隆二十年六月三十日江蘓巡撫莊有恭奏言

竊照乾隆十六年春

翠華南幸准部咨行增鑄錢文沿途經過地方設局官  
賣以平錢價經前撫臣酌議奏明除歷年餘積各  
項錢文四萬四千五百餘串又加鑄八分得錢二  
萬七千二百餘串又借撥兵餉錢二萬三千餘串  
三共錢九萬五千餘串分撥沿途設局官賣一時  
泉貨流通錢價並未昂貴本年三月二十九日欽  
奉

上諭南巡一應事宜俱令尹繼善等酌量籌脩靜候俟  
軍務就緒降旨遵行並諭莊有恭等知之欽此現將  
應辦事宜酌量撙節辦理惟查錢文一項必須預  
籌加鑄臨時始敷濟用臣等密飭細查現在蘇局  
錢文截至本年六月底除給發兵餉外僅餘錢一  
萬五千餘串若止照前加鑄八卯亦僅得錢二萬  
七千二百餘串恐不敷用應請加鑄一十四卯可  
得錢四萬七千六百餘串再查鼓鑄工料價值向



係支給錢文今應請照時價庫平給銀兌買正鑄  
加鑄計可易存工料錢一萬六千六百餘串以上  
餉餘加鑄並易存工料共可得錢七萬九千三百  
餘串以此倣照十六年之例恭候

聖駕經臨時分發各州縣設局官賣足可流通平價如  
有餘剩留充下年搭放兵餉至所需銅鉛錫觔查  
庫貯洋銅除供本年額鑄外尚存五十六萬餘觔  
可供加鑄之用惟鉛錫僅數額鑄必須採買除另

飭藩司動支庫項預籌採買鉛錫查照加鑄外理  
合先行奏明奏入報

聞

乾隆二十年八月初五日大學士公傅恒等奏言  
兩江總督尹繼善所奏增撥馬匹以備差務一摺  
奉

硃批軍機大臣議奏欽此據稱江南所領馬匹原為預  
備差務應用今准部咨軍營餘剩馬匹現在尚未

起臆緩程趕至張家口約在九月盡間則口外行數千里恐臆分愈減再自張家口趕至江南又計程三千餘里沿途既無厰地可收而新馬又不能驟加料豆難免疲乏且趕至江南已在冬底相近辦差之期雖加料喂養亦恐不能一律長臆設有貽悞關係非輕現在趕至張家口馬計數尚有多餘仰懇於原奏一千三百匹之外再行撥給壯健馬五百匹所需馬價遵照部議即交本省藩庫收

貯報部撥用查本年六月內據江寧將軍請買馬  
二千二百匹京口將軍請買馬八百匹兩江總督  
請買馬一千三百匹經臣等酌議准其所請令各  
委妥員於八月盡間赴兵部報明該部會同理藩  
院各派司員帶同至張家口於軍營餘剩馬內照  
數撥給所有馬價均交藩庫收貯無庸解京今尹  
繼善奏稱接准部咨軍營餘剩馬匹現在尚未起  
騰趕至張家口約在九月盡間再趕至江南已在

冬底雖加料喂養亦恐不能一律長臆請於原奏一千三百匹之外再撥給馬五百匹恭查明春

聖駕南巡該省預備差務需馬必多自應酌量多撥以免貽誤且軍營餘存馬匹其現議趕至張家口者共有一萬八千餘匹原議撥給該將軍總督等計馬四千三百匹其餘辦差省分浙江一省已據該督喀爾吉善奏到現在馬匹已足敷用毋庸購補山東一省據青州將軍咨請撥應補馬四百五十

六匹其巡撫各鎮即有續請撥補馬匹大約亦不  
過數百匹是餘剩馬匹尚多應如尹繼善所奏准  
于原奏一千三百匹之外再撥給馬五百匹令該  
督委員赴部會同司員前往張家口一併照數撥  
領所有馬價銀兩仍照原議均交司庫存貯以備  
撥用俟

命下臣等交部行文該督尹繼善遵照辦理奏入報  
聞

乾隆二十年九月二十五日傅恒等奏言明春恭

遇

聖駕巡幸江南該省應差馬匹現赴張家口於軍營凱  
旋馬內領取四千餘匹應用但趕赴江南尚需時  
日恐不能喂養臙壯臣等查河南省綠旗營馬一  
千七百餘匹駐防官兵馬二千五百餘匹除倒缺  
外現有馬二千二百餘匹二共馬四千餘匹擬於  
此內酌撥臙壯馬二千五百匹交與江南則該省

辦差足數應用其河南撥缺馬數即令江南委員將所領口馬就近解送撥還補額其應交馬價仍令江省按數解還藩庫如此則辦差省分可得贍壯之馬而豫省馬匹可以從容喂養一轉移間均有裨益是否有當伏候

命下

臣

等行知各該省一面調撥委員解交令於十一

月內陸續到齊預備應用奏入報

聞



乾隆二十年十二月初八日傅恒等奏言圖爾炳  
阿奏辦理解送江南馬匹一摺奉

硃批軍機大臣速議具奏欽此據稱豫省綠營馬一千  
七百餘匹滿營馬二千二百餘匹按數酌派滿營  
應撥馬一千三百餘匹綠營應撥馬一千二百餘  
匹但滿營馬二千二百匹數內有報部存價並倒  
缺馬匹奉部停買外現只有馬一千二百餘匹已  
於此內挑選一千匹其不敷馬匹應於扣存馬價

內動支購買於附近各州縣代買三百匹以足派撥之數倘新買馬匹有臆分不足尚需喂養者先於豫省驛馬內挑選抽換庶馬匹可以即時解送於豫省驛馬亦無短少其派撥各營馬二千五百匹分為十三起陸續行走均不致擁擠遲悞至喂養馬匹草料長途難以裹帶現今各營於馬匹離營之日即將本營馬料截扣造報飭令沿途經過地方官照例供應並派委將弁稽查管押每馬二

匹用兵一名晝牽夜喂所需日給官兵飯食兵丁口糧同馬匹草料等項循照豫省從前解甘馬匹成例照數動給於乾隆二十年耗羨項下支發事竣核實造銷其在江省境內經該地方官供應者應聽江省自行照例報銷其應解何處交收之處現咨詢江省候覆照辦所有撥補豫省馬匹應俟江省委員趕赴到日撥還各標營補額查江省領取口馬一案前經<sub>臣</sub>等議准該總督尹繼善所奏

令於預省滿洲綠旗各標營酌撥臚壯馬二千五百匹交付江南應用其豫省撥缺馬數即令江省委員將所領口馬就近解還補額今

南巡大差雖經奉有

諭旨俟明歲秋成後再行奏請但此項馬匹原係江省各營應換勞傷馬匹之數而江省距口較遠長途牽趕馬匹必致疲乏若由豫抽撥而以口馬就近補缺於錢糧不致糜費於馬匹亦不致勞疲彼此

均為有益且豫省馬匹此時業經起程在途而江  
省所領馬匹亦將次赴豫若再行掣回徒滋往返  
自應仍照原議辦理今該撫圖爾炳阿所奏於綠  
營馬內挑選一千二百匹滿營馬內挑馬一千匹  
其不敷三百匹於滿營扣存馬價內代買足數其  
有贖分不足並於驛馬內挑撥抽換亦屬通融辦  
理之法至分起行走派弁管押及沿途所需草料  
口糧照例支銷至江省境內則聽江省自行報銷

之處籌辦尚為妥協均應如所奏辦理其應於何處交收現據該督尹繼善稱業已札知豫撫令委員解送開封交收補額所需盤費則暫聽豫省酌辦自應聽各該督撫酌量商辦務使錢糧不致糜費而兩省差撥馬匹均無缺乏奏入報

聞

乾隆二十一年九月二十日尹繼善等奏言竊惟省方肆覲古昔著有隆規考績覲風盛世垂為鉅

典我

皇上仁同覆幬澤洽寰瀛旰食宵衣既切憂勤於  
黼座春耕秋歛尤殷補助於郊原是以

翠華臨幸之區無非

雨露涵濡之地迺自乾隆十六年

聖駕南巡而後又經五載有餘吳山越水之間猶記同

瞻

雲日部屋茅簷之衆久思再覲

龍光<sub>臣</sub>等察據輿情上年先後

奏請荷蒙

諭旨俞允舉行凡在兩省臣黎方翹首以待

鑒輿之蒞止偶值秋收歉薄復為民而煩

殿陛之焦勞

殊恩疊沛於東南固已重生再造

膏澤遍沾於億兆奚啻浹髓倫肌猶恐閭閻重困之難

蘇欲俾有司專心於撫字



特頒明詔暫緩時巡

聖慈懷保之誠曲加體恤士庶尊親之戴倍切瞻依今  
者二麥已報有秋百穀咸稱大熟築場納稼喜溢  
千村飲蜡吹豳歡騰萬井不特倉箱崇積更無艱  
食之虞抑且風雨均調可卜屢豐之慶僉謂歷年  
未有之景象總由

聖主感召

天和備沐千載罕遇之

恩施惟我小民敢忘

帝力草野何能酬報祇知

聖德難名民物既獲阜安願覩

天顏有喜望

鑾旂之再屆黃童白叟共云為日已遲盼

玉輦之重臨兩浙三江莫不懽迎恐後臣等恭膺

簡命忝任南邦幸際

昌期欣逢稔歲聆多黍多稌之頌庶幾上慰

宸衷採一遊一豫之歌亦得備陳

天聽仰懇

皇上俯從所請准定明春

啟鑒以愜下忱並昭大典將見太平盛事載傳江海之  
濱

日月光華添被湖山之色臣等敬謹繕摺具奏伏祈  
俞允

上諭恭載

恩綸

乾隆二十一年閏九月初七日總督倉場侍郎雙

慶等奏言竊查上年預備

聖駕南巡所需船隻業經奉

旨派出

安福艦一隻

翔鳳艇一隻湖船二隻撲拉船一隻臣當即敬謹修

驗於上年九月間駕赴江省伺候應用嗣奉

諭旨停止巡幸因復駕回歸塢俱經奏明茲接部咨恭  
逢

皇上明春再舉

南巡大典所有上年派出船五隻自應仍照前例即於  
閏九月內委員敬謹駕赴清江令地方官搭蓬苦  
蓋以備臨期乘用再天津船塢內除前派五隻外  
尚有船十隻臣等謹繕清單恭呈

御覽應否於前派五隻外再行添派之處相應請

旨遵行奏入

諭曰五船已足數用不必再行添派

乾隆二十一年十月初三日兵部侍郎管順天府府尹劉綸府尹陳兆崙奏言恭照明春

聖駕南巡所有隨營車輛例由順天府衙門敬謹預備  
伏查乾隆十六年正月

駕幸江浙經前任兼管府尹臣蔣炳等飭屬預備車四  
百餘輛後實用車三百四十九輛原議各車至順

河集即令回京所需

回鑾車輛交與山東江南地方官就近催辦旋經兩江督臣黃廷桂山東撫臣準泰奏明將順天府原車照數留住以一半交江南一半交山東以備

回鑾應用其車價銀兩在於該兩省動用給發照例報銷今次恭逢

聖駕南巡臣等現在移咨內務府先期酌定應備車輛一面分飭所屬預行妥辦并咨山東江南督臣撫

臣循照乾隆十六年籌辦規條會同妥協經理再  
臣等恭查上屆江南山東二省辦理

回鑾車輛因僱備原車途中騾馬不無疲乏至交車時  
每省僅各留一百一二十輛不敷應用又隨營官  
用駝隻間有疲乏短少者經撫臣準泰奏明以一  
車抵給三駝一併於東省僱備其江南素非產車  
之區所有本省應備之車東省不能協濟復經前  
管府尹臣蔣炳移咨直督檄調附近南省之景州



河間獻縣等處代僱車百輛以濟江省之用沿途  
草料等費由江省委員分送給發臣等亦即一面  
詳悉商知直隸督臣方觀承預為籌備俟明年需  
用時定數移調協濟除一應派委人員照會管理  
及包封支發車價各事宜臨期照例酌辦外所有  
臣等現在辦理緣由理合具奏奏入報

聞

乾隆二十一年十月初五日劉綸奏言明春恭逢

聖駕南巡所有順天府辦車事宜臣謹會同府尹臣陳

兆崙循照乾隆十六年辦理條規繕摺奏

聞至恭辦

回鑾車輛前經兼管府尹臣蔣炳前赴順河集會同江

南山東兩省地方官籌辦今次恭逢

駕幸江浙伏懇

皇上天恩准臣劉綸恭隨

聖駕前往於順河集水次督率各委員交收車輛至隨

駕回鑾時再先期趨赴順河集敬謹料理辦車事務奏入報  
聞

乾隆二十一年十月二十七日總理行營事務和  
碩莊親王允祿奏言恭照明春

皇上南巡江浙所有一切預備事宜

臣

等查照上次議

定章程悉心斟酌務期妥協伏查乾隆十五年十

一月內

臣

等議奏

南巡事宜內稱旱路扎營所需大城蒙古包帳房等項

俱帶往二分工部應備樁橛等項亦照例帶往所用駝隻及茶膳房等處駝隻車輛俱交各該處預備自徐家渡至直隸廠留駐旱營一日所用大城等項亦先期運往舟行所用緯夫於河兵內撥用應帶銀兩緞疋等項交戶部內務府具奏備帶侍衛揀派三班八旗兵丁揀派一千名各處官員執事人等酌量派往至江南登舟時兵丁減派五百名章京擬派四十員虎鎗侍衛兵丁一百三十七

員名內揀選四十員名其餘入於三班侍衛及護軍五百名數內揀派扈從大臣官員俱於歲前預領春季俸銀應騎官馬人等按應給數目在京全給先支兩個月路費途間再行找給登舟時令其各留家人拴養拜唐阿兵丁所騎官馬并官用駝隻交山東巡撫分給附近各州縣及綠旗各營喂養交派出總管大臣彈壓經理回京車輛

欽派大臣會同地方官催備黑豆一項令東撫酌量採

買運送沂州一帶以供支糶或江浙地方有需撥  
濟之處即令咨明東撫撥運其留養馬匹所需麩  
草高糧等項亦令東撫酌買備糶至沿途安設臺  
站由兵部勘明正腰各站各該督撫於通省驛馬  
內抽調備用所有經過地方應辦營盤道路橋梁  
一切事宜令各該督撫照例預備明春

翠華南幸除中途留駐之總管大臣及料理回京車輛

大臣臨時奏請

欽派外據總督尹繼善請

旨已蒙

聖諭自徐家渡渡黃至直隸廠登舟

回鑾至徐家渡起旱查直隸廠地方即係

御舟停泊之所談處已備水營似不必再備旱營此次

渡黃後應請

皇上駐驛直隸廠水營其餘應備事宜均應照上次議

定章程辦理惟馬匹船隻二項上次雖亦定有章

程而臨期經理未善不免有爭奪偏枯之弊據總督尹繼善於上年十月內酌議具奏奉

硃批總理行營王大臣議奏欽此今復據該督將辦理

情形並船隻堪坐人數分晰咨商<sub>臣</sub>等與尹繼善

面同酌議查上次原議每大臣一員給馬五匹章

京侍衛官員等每員給馬三匹護軍緊要執事人

等每人給馬二匹其餘每二人給馬三匹共需馬

六千六百餘匹至往各名勝處減備十分之四只



需馬四千匹此次江省馬匹該督原奏江以北備  
綠旗營馬四千匹江以南備八旗營馬四千匹渡  
黃後上船及往各名勝處所用之馬均請在四千  
匹以內應用惟是錢家港至江寧添備馬二千匹  
則此項扈從官員兵丁人等俱酌量足數差使不  
得浮於上屆所派之數至抵江境時應統以六千  
馬匹核計隨往餘俱留住查渡黃後上船官員人  
等係全數俱行若照六千匹之數給馬則有不敷

據談督稱此次內河泊船之所趾黃不過二三里  
僕從人等儘可步行自應按人減馬臣等酌議除  
三品以上大臣官員

### 御前侍衛

乾清門侍衛批本奏事官奏蒙古事侍衛軍機處滿  
漢官總管首領有職太監應按數給馬毋庸另議  
外其餘官員兵丁人等或酌減馬一匹或只給本  
身騎馬總在四千匹數內其隨身行李令地方官

聚集民夫聽其自行僱用至

駕幸高堰暨往蘇揚各名勝處俱係暫時往回非有緊要執事不必隨往則當按差減人亦在四千匹數內應令各處將隨往江南人數於十一月內報明總理行營處彙總查核即將確數分晰開單行知談督遵照至應給馬票應俟總理行營處核定數目即令各談處先期行文咨報兵部將刊刻空白紅票填註官員銜姓馬數如騎五匹及二三匹者

每員各給一票其一人一馬者按行檔彙給一票  
如有為數過多或至百餘者按十匹分給一票仍  
令各該處各照行檔自派專員管理并請

特派大臣於渡黃數日前會同兵部率同江省管馬大  
臣將渡黃紅票一張散給各人收執仍註明渡黃  
字樣以免牽混至渡黃後再將隨往各名勝處紅  
票散給管馬之員見票發馬並於票內印一某處  
應訖戳記其中如有分班更換者即將原票通融

支馬不必另行換票其自錢家港至江寧扈從人員係屬全數隨往俟將到錢家港之數日前兵部再添給二千匹紅票率同江省大員按數散給自江寧回至錢家港即將添給紅票截繳又沿途隨駕進城及跟隨

御舟攆繚需用騎馬不過數百匹不便再憑紅票支馬應令江省管馬大員另製印格竹籤數百根編立字號俟先期派定傳知用馬數目即將竹籤按數

送交兵部每馬散給一籤按籤支馬繳馬還籤均  
應如該督所議辦理至船隻一項上次共需頭號  
沙飛馬溜等船四百四十一隻又每船十隻外多  
備一隻以便漆換其時船隻本不寬裕以致人多  
船少混行搶奪且頭號沙飛等船遲笨難行易致  
阻礙今該督議改用三號沙飛等船比較上次船  
數雖屬加增但俱係中號小船亦祇堪敷用俱就  
各船名色及可容幾人校派撥自屬斟酌得宜俟

各該處將人數報明總理行營處彙總行知該省  
將所備船隻各釘木牌開寫銜姓行檔挨次排列  
河干仍請

特派大臣會同兵部於渡黃十日前先至該處點驗明  
白其應坐船官員人等由兵部給發船票自差家  
人賫領若數人共一船難以人人給票者一船彙  
給一票其各項船隻行走先後次序仍照上次原

議

御前大臣領侍衛內大臣軍機大臣

御前侍衛

乾清門侍衛船隻應在

御舟之前上駟院侍衛官員與裝載

御馬船隻以及

批本奏事軍機處侍衛處內閣兵部之緊要官員等  
亦應令其在前行走其餘船隻皆照例在後行走  
若有承辦事件必應在前行走處俱令臨時自行



奏請再江南河道窄狹易於擁擠應交管理

御舟之大臣協同護軍統領等稽查凡行走及停泊之時母許攙越擁擠其浙省馬匹船隻給票監放等項應照江南一體辦理奏入報

聞

欽定南巡盛典卷九十二